


TEZAUUR LITURGIC
1 IUNIE

SLUJBA
SF. CUVIOS
AGAPIT
DE LA
PECERSKA



MINEIUL PECERSKĂI-02
KIEV, 2007



Мѣсяца Іу́нія, въ 1-й дѣнь Служба преподобному Агапиту Печѣрскому, врачу безмѣздному

НА МАЛЪЙ ВЕЧЕРНИ,

На Господи, воззвахъ, **стихиры на 4, гласъ 8.**

Подобенъ: О, преславнаго чудесе.

Преподобне отче Агапите,* ты въ Печѣрстѣй обители* Богу добръ послужилъ еси,* въ пещерѣ темнѣй подвижался еси* и достойный первоначальниковъ нашихъ ученикъ былъ еси,* тѣмже ты Христось Господь* во славу небеснаго Царствія вчини,* тѣло твое многоподвижное нетлѣниемъ и чудотвореніи прослави,* Тому помолися, преподобне, спасти души наша. **[Дважды.]**

Преподобне отче Агапите,* во всю страну Россійскую* изыде слава равноангельнаго твоего житія,* имже обитель Печѣрскую духовно облагоухаль еси,* яко кринь благовонень, въ пещерѣ насажденный* и водою Божія благодати орошенный,* тѣмже возрасль еси въ древо чудоточное* Вышняго вертограда Христова* и приносиши плоды, воистинну спасительныя душамъ нашимъ.

Преподобне отче Агапите,* твоя труды и подвиги,* бдѣнія и пощенія* и пещерная злостраданія кто изочтеть?* Въ святѣй же памяти твоей* днесь Лавра свѣтло ликуеть,* таковаго избранника духовно возрадивъ* и истиннаго угоднаго Христа Бога;* Тому помолися, богоносне, спасти души наша.

Слава, гласъ 6:

Иже по образу Евангелія Христова житіе твое поставивъ, постнически пребывалъ еси, мужески естество понудивъ, да плоть поработиши духу, всякое злостраданіе съ любовію терпѣлъ еси, яко истинный ученикъ небеснаго Учителя Христа, и нынѣ, на небеса преселився, лице Того пресвѣтлое зриши, отче нашъ Агапите, и молишися благопріятно о вѣроу и любовію чтущихъ святую память твою.

И нынѣ, богородиченъ, гласъ тойже:

Богородице, Ты еси лоза истинная, возрадившая намъ Плодъ живота, Тебѣ молимся: молися, Владычице, со святыми апостолы помилovati души наша.

На стиховнѣ стихирѣ, гласъ 2. Подобенъ:

Доме Евфраѳовъ.

Агапите, отче нашъ,* въ житіи подобяся Христу,* по смерти силу Того

воскресенія* нетлѣніемъ тѣла
показуеши,* моляся о душахъ нашихъ.

Стихъ: Честна предъ Господемъ* смерть
преподобныхъ Его.

Пристанище немятежное* Печерскія обители
достигль еси,* послушливъ бывъ
уставомъ* преподобныхъ отецъ Антонія и
Теодосія.* Съ нимиже моляся о душахъ нашихъ.

Стихъ: Блаженъ мужъ, бояйся Господа,* въ
заповѣдехъ Его восхощетъ зло.

Гладъ и жажду* терпѣливо понесль
еси,* покой тлѣсный возненавидевъ,* ангель во
плоти и человекъ небесный бывъ,* Агáпите, отче
нашъ.

Слава, гласъ 8:

Монаховъ образъ и правило извѣстное,
почитаемъ тя, отче нашъ Агáпите, Лавры
Печерскія слава и похвало. Въ нейже
трудолюбно подвизався, Богу добръ угодилъ еси,
ангеловъ собесѣднике и преподобныхъ
удобрение, съ нимиже моляся Господеви
помиловати души наша.

И нынѣ, богородиченъ, гласъ тойже:

Владычице, прими молитвы рабъ Твоихъ и
избави насъ отъ всякія нужды и печали.

Тропа́рь, гла́сь 5:

Богоно́снаго Анто́нія ревну́я смиренному́дрию, а́ки нѣ́кимъ врачевствомъ — зе́лемъ снѣ́днымъ, исцѣ́лялъ еси́ боля́щія, преподо́бне Ага́пите, тѣ́мъ и врача́ невѣ́рна увѣ́ривъ, наста́вилъ еси́ на пу́ть спасе́нія. Уврачу́й и на́ша болѣ́зни и моли́ся Го́сподеви о воспѣ́вающихъ тя́.

Сла́ва, и ны́нѣ, богоро́диченъ, гла́сь то́йже:

Ра́дуйся, двѣ́ре Госпо́дня непроходи́мая; ра́дуйся, стѣ́но и покрове́ притека́ющихъ къ Тебѣ́; ра́дуйся, необуре́ваемое приста́нище и неискусобра́чная, ро́ждшая плоти́ю Творца́ Твоего́ и Бо́га, моля́щи не оскудѣ́вай о воспѣ́вающихъ и кла́няющихся Ро́ждеству́ Твоему́.

НА ВЕЛИЦѢЙ ВЕЧЕРНИ,

Блаже́нъ му́жь..., **1-й антифо́нъ. На Го́споди воззва́хъ: стихи́ры на 8, гла́сь 4. Подо́бенъ:**

Яко до́бля.

Духо́вныя благода́ти дарова́ние* изоби́льно прие́мь свы́ше,* Ага́пите преподо́бне,* а́ки рѣ́чными струя́ми, всѣ́хъ напая́еши* и моли́твами твоими́ пода́еши исцѣ́ление* всѣ́мъ, съ вѣ́рою къ тебѣ́ притека́ющимъ.* Сего́ ра́ди и мы́, дерзнове́ние прие́мше,* кла́няемся ра́цѣ

мощѣй твоихъ и просимъ,* да подаши душамъ и тѣлесемъ нашимъ исцѣленіе. **[Трижды.]**

Страсти безсловесныя ума чистотою* и непрестанными въ молитвахъ стояніи* покоривъ дѹху, всеблаженне,* пріялъ еси благодать исцѣленія* и подаеши неоскудно всѣмъ просящимъ отъ тебе помощи.* Тѣмже и мы, твое почитающе успѣніе,* молимтиса прилѣжно:* яко врачъ безмездный* подаждь душамъ и тѣлесемъ нашимъ исцѣленіе. **[Трижды.]**

Рака мощѣй твоихъ,* отче преподобне Агапите,* свѣтозарное небо является,* показуя чудеса, яко лученосныя звѣзды,* и подаетъ благодатное исцѣленіе* съ надеждою къ ней притекающимъ.* Сего ради и мы, упованіе имѹще,* молимтиса прилѣжно* даровати душамъ и тѣлесемъ нашимъ въ страстѣхъ помощеніе. **[Дважды.]**

Слава, гласъ 2:

Благодать исцѣленія свѣше пріемый, живый еще въ маловременной сей жизни, преблаженне Агапите, подавалъ еси всѣмъ просящимъ исцѣленіе незавѣстно. Нынѣ большія благодати сподобивыйся, предстоя Вышняго престола, низпосли отъ твоихъ дарованій намъ, поклоняющимся многочисудеснымъ твоимъ мощемъ и память твою хвалами почитающимъ,

яко да при́имемъ неду́гомъ на́шимъ исцѣ́леніе твоими, о́тче, къ Бо́гу моли́твами.

И ны́нѣ, богоро́диченъ, гла́сь тойже:

Пре́йде сѣ́нь зако́нная, благода́ти прише́дши: якоже бо купи́на не сгара́ше, опаля́ема, тако Дѣ́ва роди́ла еси́ и Дѣ́ва пребы́ла еси́. Вмѣ́сто столпа́ о́гненнаго пра́ведное возсія́ Со́лнце, вмѣ́сто Моисе́я — Христо́сь, спасе́ние ду́шъ на́шихъ.

Вхо́дъ. Проки́мень дне́ и чте́нія три́.

Премудро́сти Соломо́ни чте́ние.

Пра́ведныхъ ду́ши въ руцѣ́ Бо́жіей, и не прико́снется ихъ му́ка. Непщевáни бы́ша во очесѣ́хъ безумныхъ умре́ти, и вмѣ́нися озлобле́ние исхо́дъ ихъ, и е́же отъ насъ шестви́е — сокруше́ние, они́ же су́ть въ ми́рѣ. Ибо предѣ́лицемъ чело́вѣческимъ, а́ще и му́ку при́мутъ, упова́ние ихъ безсме́ртія испо́лнено. И вмáлѣ́ наказани́ бы́вшие, великими благоде́тельствова́ни бу́дутъ, яко Бо́гъ искуси́ я́ и обрѣ́те ихъ досто́йны Себѣ́. Яко зláто въ горни́лѣ, искуси́ ихъ и, яко всепло́діе же́ртвенное, прія́тъ я́. И во вре́мя посѣ́щенія ихъ, возсія́ютъ, и яко і́скры по сте́блю, потеку́тъ. Су́дятъ язы́комъ и облада́ютъ лю́дьми, и воцари́тся Госпо́дь въ нихъ во вѣ́ки. Надѣ́ющіися На́нь разумѣ́ютъ і́стину и вѣ́рніи въ

любови пребудуть Ему, яко благодать и милость въ преподобныхъ Его и посѣщеніе во избранныхъ Его.

Премудрости Соломона чтеніе.

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимуть царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ мѣръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станетъ имъ дѣхъ силы и, яко вѣхоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащіи множества и гордящіися о народѣхъ языковъ, яко дана естъ отъ Господа держава вамъ и сила отъ Вышняго.

Премудрости Соломона чтение.

Праведникъ, аще постигнетъ скончатися, въ покой будетъ. Старость бо честна не многолѣтна, ниже въ числѣ лѣтъ исчитается. Съдина же естъ мудрость человекомъ, и возрастъ старости — житіе нескверное. Благоугоденъ Богу бывъ, возлюбленъ бысть, и живый посреде грѣшникъ, преставленъ бысть. Восхищенъ бысть, да не злоба измѣнитъ разума его или лѣсть прельститъ душу его. Раченіе бо злобы помрачаетъ добрая и пареніе похоти, премѣняетъ умъ незлобивъ. Скончався вмалѣ, исполни лѣта долга, угодна бо бѣ Господеви душа его, сего ради потщася отъ среды лукавствія. Людіе же видѣвше и не разумѣвше, ниже положше въ помышленіи таковое, яко благодать и милость въ преподобныхъ Его и посѣщеніе во избранныхъ Его.

На литіи, стихира храма. Слава, гласъ 6:

Преподобне отче Агапите, измлада навѣкнувъ благочестію, яремъ Христовъ на рамо твое возложилъ еси трудолюбно, и вслѣдъ Владыки твоего потеклъ еси, радуяся. Печерская обитель духовно тя воспита, въ нейже тѣло твое нетлѣнное оставилъ еси, яко наслѣдіе богатое, духъ же твой въ селеніихъ небесныхъ упокоеніе

получи́, иди́же со свѣты́ми Бо́гу предсто́я, проси́
на́мъ спасе́ние и ве́лю ми́лость.

И ны́нѣ, богоро́диченъ, гла́съ то́йже:

Творе́ць и Изба́витель мо́й, Пречи́стая,
Христо́съ Госпо́дь, изъ Твои́хъ ложе́снъ проше́дь,
въ мя́ оболкѣ́йся, пе́рвыя кля́твы Ада́ма свобо́ди.
Тѣ́мже Ти́, Всечи́стая, я́ко Бо́жии Ма́тери же и
Дѣ́вѣ, вои́стинну вопі́емъ немол́чно: ра́дуйся
а́нгельски, ра́дуйся, Влады́чице,
предста́тельство, и покрове́, и спасе́ние ду́шъ
нашихъ.

На стихо́внѣ стихи́ры, гла́съ 2. Подо́бенъ:

Егда́ отъ дре́ва.

Егда́ при́иде на тя́ зва́ние
Боже́ственное,* преподо́бне о́тче на́шъ
Ага́пите,* ми́ръ оста́вилъ еси́* и благоо́тишіе
обите́ли Пече́рскія возлю́билъ еси́,* въ не́йже
трудолю́бно подвиза́лся еси́,* въ пѣ́ниихъ,
бдѣ́ниихъ и поще́ниихъ,* а́ки безплотный,
пребыва́я,* и вели́кимъ отце́мъ Анто́нію и
Ѳеодо́сію во все́мъ подража́я.* Тѣ́мже при́ялъ еси́
да́ръ исцѣ́ленія отъ Христа́ Бо́га* и сподо́бился
еси́ предсто́янія престо́лу Его́ небесно́му,* иди́же
помяни́ въ моли́твахъ богопри́ятныхъ* чту́щихъ
святу́ю па́мять твою́.

Стихъ: Че́стна́ предъ Го́сподемъ* сме́рть
преподо́бныхъ Его́.

Егда́ изше́лъ еси́ отъ міра, о́тче Ага́пите,* и въ обитель Печёрскую прите́клъ еси́,* тогда́ осѣни́тя вседѣ́тельная благода́ть Ду́ха Свята́го* и въ по́двизѣхъ духо́вныхъ му́жественна и терпѣ́лива ты сотвори́,* да, яко́ добрый во́инъ Христо́въ,* возмо́жеша бра́тися со враги́ невидимы́ми,* ихже́ искуше́нія вся́ посрами́лъ еси́* и, яко́ побѣдоно́сець,* нетлѣ́ненъ вѣне́ць отъ руки́ Вседержи́теля Бо́га прия́лъ еси́.* Тѣмже́ ты чте́мъ и ублажа́емъ.

Стихъ: Блаже́нъ му́жъ, боя́йся Го́спода,* въ заповѣ́дехъ Его́ восхо́щетъ зѣло́.

Егда́ приспѣ́ время́ отше́ствія́ твоего́ къ Бо́гу,* преподо́бне о́тче нашъ Ага́пите,* тогда́ а́нгели пресвѣ́тліи* придо́ша взяти́ святу́ю ду́шу твою́,* яко́ невѣ́сту чи́сту,* и Са́мъ Христо́съ Госпо́дь, а́нгеловъ́ и чело́вковъ́ Влады́ка,* прия́тъ ты́ въ небе́сное Своё Ца́рство.* Тебѣ́, си́це просла́вленному́ горѣ́* и нетлѣ́ніемъ́ чудотво́рнымъ́ почтѣ́нному́ на земли́,* пѣ́снь хвале́бную́ съ́ любви́ю прино́симъ,* яко́ засту́пнику́ нашему́ и предста́телю́ непосты́дному́.

Сла́ва, гла́съ 3:

Отъ духо́вныхъ́ дарова́ній стру́й исцѣ́леній изводя́, сла́вне, мно́гими стра́стми́ содержи́мымъ, твоего́́ тре́бующимъ́ заступле́нія,

подаждь скорую помощь свыше, струями чудесъ твоихъ прохлаждая и прогоняя отъ лукаваго наносимыя болѣзни, яко да, почерпающе исцѣленія вси туне, славимъ Отца Небеснаго, и величаемъ Безлѣтнаго Сына Его, съ Присносущнымъ Духомъ Его, и тя, отче Агапите, вси ублажаемъ.

И нынѣ, богородиченъ, гласъ тойже:

Безъ сѣмене отъ Божественнаго Духа волею же Отчею зачала еси Сына Божія, отъ Отца безъ матери прежде вѣкъ суща, насъ же ради, изъ Тебѣ безъ отца бывша, плотию родила еси и Младенца млеко́мъ пита́ла еси. Тѣмже не преста́й моли́ти изба́виться отъ бѣдъ душа́мъ нашимъ.

На благословеніи хлѣбовъ: Тропарь святаго, дважды [писанъ на малѣй вечерни] и Богородице Дѣво.., единожды.

НА УТРЕНИ,

На Богъ Господь: Тропарь преподобнаго, дважды. Слава, и нынѣ, богородиченъ.

По 1-мъ стихословіи сѣдаленъ, гласъ 1:

Ангельская ликостоянія собесѣдника тя имуть, отче богоно́се Агапите, и Са́мъ Влады́ка а́нгель Христо́съ Госпо́дь, тобо́ю на землі

просла́вленный житі́я чистото́ю, увѣнча́ ты
вѣнцемъ негль́ннымъ сла́вы небесны́я, Ему́же со
дерзнове́ніемъ мо́лишися о душа́хъ
нашихъ. **[Два́жды.]**

Сла́ва, и ны́нѣ, богоро́диченъ, гла́сь то́йже:

Гла́сь Гаврі́иловъ прино́симъ Ти́, Чистая́ Дѣ́во:
ра́дуйся, заче́ншая Творца́ всѣхъ Бо́га и
обновля́шая обетша́вшее челове́ческое естество́;
ра́дуйся, я́ко была́ еси́ въ рождествѣ́ Дѣ́ва, и по
рождествѣ́ Дѣ́ва па́ки пребы́ваеши.

По 2-мъ стихосло́ви сѣдаленъ, гла́сь 4:

Отре́кся плоти́ угожде́нія любве́ ради́ Христа́
Бо́га, о́тче Ага́пите, въ оби́тель Пече́рскую
всели́лся еси́ и копи́емъ моли́твы непрестанны́я
главу́ всезло́бнаго змія́ сокруши́ль еси́,
богоно́снымъ отце́мъ Анто́нію и Θεодо́сію
спо́стникъ и собесѣ́дникъ бы́въ, тѣхъ сте́зямъ
неукло́нно послѣ́довалъ еси́, съ ни́миже
блаже́нство райское́ обрѣ́тъ, моли́ся Христу́ Бо́гу
о чту́щихъ любове́ю святу́ю па́мять
твою́. **[Два́жды.]**

Сла́ва, и ны́нѣ, богоро́диченъ, гла́сь то́йже:

Кто́ досто́йно восхва́литъ рождество́ Твое́,
Пречи́стая? Безсѣ́менно бо зачала́ еси́ отъ Ду́ха
Свята́го и прѣ́жде вѣ́къ отъ Отца́ рождѣ́нное
Сло́во въ лѣ́то родила́ еси́, тѣмъ Тя́, я́ко

и́стиннаго Бо́га на́шего Ма́терь, въ пѣ́снѣхъ
чту́ще, поёмъ и велича́емъ.

Велича́ние:

Ублажа́емъ тя, преподо́бне о́тче Ага́пите, и
чте́мъ святу́ю па́мь твою́, наста́вниче
мона́ховъ и собесѣ́дниче а́нгеловъ.

Псаломъ избранный: Терпя́ потерпѣ́хъ
Го́спода, и вня́тъ ми́ и услы́ша моли́тву мою́...

По по́ліелѣи сѣ́далень, гла́сь 8:

Труды́ и по́двиги твоя́ кто́ исповѣ́сть
преблаже́нне Ага́пите? Вѣ́ренъ бо ра́бъ Го́споду
своему́ бы́въ и вѣ́рнъ Тому́ служа́, ввѣ́ренный
тебѣ́ тала́нтъ умно́жилъ еси́ и съ благо́ими
дѣ́латели дина́рїи жи́зни вѣ́чныя прїя́лъ еси́.
Тѣ́мже, я́ко имѣ́я дерзнове́ніе, моли́ Христа́ Бо́га
согрѣ́шенїи́ оставле́ніе дарова́ти чту́щимъ
любо́вию святу́ю па́мь твою́. **[Два́жды.]**

Сла́ва, и ны́нѣ, богоро́диченъ, гла́сь то́йже:

Въ лѣ́ности прово́дя живота́ моего́ вре́мя,
погуби́хъ тала́нтъ, ввѣ́ренный ми́ отъ Го́спода
моего́, и ны́нѣ, лише́нъ Бо́жія благода́ти, къ Тебѣ́
зову́, Чистая: Ма́терними Твоими́ моли́твами
бу́ди ми́ Хода́таица бла́га къ Человѣ́колю́бцу
Бо́гу, помяни́ сродно́е Своё помышле́ніе о раба́хъ
Твои́хъ и испроси́ согрѣ́шенїи́ прощѣ́ніе любо́вию

чтущему и благочестно поклоняющемуся
Всесвятому Рождеству Твоему.

**Степенна, 1-й антифонъ 4-го гласа.
Прокимень, гласъ 4: Честна предъ Господемъ
смерть преподобныхъ Его. Стихъ: Что воздамъ
Господеви о всѣхъ, яже воздаде ми? Евангеліе
отъ Матѳея, зачало 43.**

По 50-мъ псалмѣ стихира, гласъ 6:

Свѣтильникъ пресвѣтель блгочестія изъ подъ
спуда пещернаго намъ днесь возсія. Приидите,
вѣрнии, того сіянія благодатнаго насладимся,
рачитель бо Христовъ бысть и вѣрный
исполнитель Его заповѣдей. Тѣмже, отче нашъ
Агáпите, поминающихъ тя любовію въ день
святаго твоего торжества помяни въ молитвахъ
твоихъ у престола Спасова.

**Канонъ молебный Пресвятыя Богородицы,
гласъ 8: Воду прошедъ... И канонъ
преподобнаго, гласъ 6.**

Пѣснь 1.

Ирмосъ: *Яко по сѣху пѣшешествовавъ
Израиль по безднѣ стопами, гонителя фараона
видя потопляема, Богу побѣдную пѣснь поимъ,
вопяше.*

**Яко нѣмаго дрѣвле прикосновѣніемъ устроилъ
еси право глаголати, сице и мнѣ, Христе, мой**

языкъ разрѣши, умъ отвѣрзи, да принесу въ память угодника Твоего хвалѣніе, любовію поющи.

Не могу воспѣти ясно благодати твоея, преподобне, аще не ты молитвами твоими подаши мнѣ помощь, да прославлю Владыку, давшего тебѣ благодать исцѣленій, во хвалѣніи поющи.

По предувѣдѣнію возванъ былъ еси, святе, въ слѣдъ Владыки своего шествовати и, Тому послѣдуя, вся красная міра оставль, любовію пришелъ еси къ великому Антонію и съ нимъ пожилъ еси, непрестанное хвалѣніе Богу поющи.

Земному ангелу и небесному человеку послѣдуя, и самъ ангельское житіе стяжалъ еси, отче преподобне. Тѣмъ твоя исправленія почитаемъ и прославляемъ всѣхъ Владыку, о тебѣ пѣснь Ему поюще.

Богородичень: Отъ земныхъ и небесныхъ силъ славимая, Приснодѣво, въ днешній день хвалѣніе Тебѣ дерзающихъ приносить, отъ всѣхъ прилоговъ сохраняй, да вѣну Тя воспоемъ, Обрадованная.

Пѣснь 3.

Ирмосъ: *Нѣсть святъ, якоже Ты, Господи Боже мой, вознесый рогъ вѣрныхъ Твоихъ,*

Бла́же, и утверди́вый насъ на ка́мени исповѣданія Твоего.

Во мно́гихъ лѣтѣхъ мно́жайшія прошѣлъ еси́ труды́, Ага́пите, подви́заяся во бдѣ́нни и поще́нни, до́ндеже еди́нонраве́нь показа́лся еси́ наста́внику своему́ и отъ него́ утверди́лся еси́ на ка́мени тве́рдаго житія́.

Ничто́же ино́, то́кмо нищету́ имѣ́я, обнища́вшему насъ ра́ди Христу́ послѣ́доваль еси́, о́тче, и, Того́ заповѣ́ди храня́, служи́ль еси́ больны́мъ, посѣ́щая, и упоко́евая, и здра́вие тѣ́мъ моли́твою свое́ю пода́вая.

Съ преподо́бнымъ жи́тельствуя, стяжа́ль еси́ преподо́бство, достохва́льне Ага́пите, и исцѣ́ленія даро́въ сподо́бился еси́, я́ко моли́твою и зе́лемъ снѣ́днымъ здра́вие подава́ль еси́ боля́щимъ, тѣ́мже и вра́чь наре́клся еси́ безме́здный.

Просла́вилъ еси́ Бо́га во удесѣ́хъ твои́хъ, преподо́бне, тѣ́мже и Бо́гъ тя́ просла́ви благода́тію исцѣ́ленія, имже́ и наша́ недуги́ уврачу́й душе́вныя и тѣ́лесныя, да утверди́мся на ка́мени исповѣданія Бо́жія.

Богороди́чень: **И**зрасти́вшая живо́тное Дре́во, того́ плодо́мъ насъ, умерщвле́нныхъ грѣ́хами, оживи́ и да́руй намъ, Ма́ти Чистая, крѣ́пкое бла́гости Твоея́ исповѣда́ние.

Съдаленъ, гласъ 4:

Яко ту́не прие́мый отъ Бо́га да́ръ исцѣле́нія, стра́ждущимъ исцѣле́ние ту́не подае́ши, съ вѣрою къ тебѣ́ притека́ющимъ. Тѣмже и мы́, кланя́ющесе́ ра́цѣ мо́щей твои́хъ, о́тче преподо́бне, про́симъ прія́ти отъ тебѣ́ недуго́мъ наши́мъ исцѣле́ние. **[Дважды.]**

Сла́ва, и ны́нѣ, богоро́диченъ:

Къ Твоему́ благоутро́бію въ ско́рбехъ притека́юще, мо́лимся, Всенепоро́чная: пода́ждь преподо́бнаго Твоего́ ра́ди намъ, неду́ги одержи́мымъ, ско́рое исцѣле́ние.

Пѣснь 4.

Ирмо́сь: *Христо́сь моя́ си́ла, Бо́гъ и Госпо́дь, честна́я Це́рковь боголѣ́пно пое́тъ, взыва́ющи, отъ смы́сла чи́ста, о Госпо́дь праждну́ющи.*

Бу́ия ми́ра сего́ Христо́сь избра́, да премудры́я посра́митъ, е́же и на тебѣ́ сбы́тся, о́тче всеблаже́нне: благода́тию бо, а не хитростію́ премудра́го посра́милъ еси́ врача́. Тѣмъ тя́ сла́вимъ, о Госпо́дь праждну́ющи.

Прельсти́ся, и́же пѣрвѣ́е больны́хъ прельща́ше, извѣща́я имъ де́нь и ча́сь сме́рти, ему́же ты́ поноси́въ, преподо́бне, боля́щаго исцѣли́лъ еси́ моли́твою и зе́ліемъ снѣдны́мъ, ре́къ: да́ждь сла́ву Бо́гу, иму́щему ключь́ живота́ и сме́рти.

Зависти стрѣлою злочестивый арменинъ уязвень, поношаше ти, святе, и, пославъ на смѣрть осужденнаго, повелѣ предъ тобою умертвити быліемъ смертоноснымъ. Но ты сего молитвою и зѣліемъ исцѣлилъ, посрамилъ еси еретика, хотящаго тя посрамити.

Претыкающемся, данная ти благодать бысть падѣніе, преблаженне, наипаче бо на тя вооружився злочестивый арменинъ, наусті дати тебѣ отраву, но ты, и смѣртно испивъ, невредимъ былъ еси, яко Божія благодать сохрани тя къ большому чудодѣйствію.

Богородичень: Радуйся, сосуде, носившій мѣро, исцѣлившее родъ человѣческой; ядомъ мя грѣховнымъ умерщвлена оживи, да прочее время цѣль проживу, Тя, Дѣво, восхваляючи.

Пѣснь 5.

Ирмосъ: *Божіимъ свѣтомъ Твоимъ, Блаже, утренюющихъ Ти дѣши любовію озари, молюся, Тя вѣдѣти, Слово Божій, истиннаго Бога, отъ мрака грѣховнаго зывающа.*

Отъ Бога благодать исцѣленія приѣмъ, исцѣлилъ еси князя, иже аще и врачуемъ бѣ отъ арменина, но не получаше отрады, твоего же зѣлія вкусивъ, отъ недуга избавися.

Зрите, иночествующи, и добродѣтельному терпѣнію богоноснаго отца почудитесь, како со

отрече́ніемъ міра во́ли своея́ отрече́ся, и не
изы́де никогда́же внѣ́ вратъ́ монасты́рскихъ, е́же
ви́дяще, сему́ поревну́йте.

Еди́ну лю́бовь ко всѣ́мъ иму́щи, а не на лице́
зря́щи, а́ще князь, а́ще прость къ тебѣ́
прихожда́ше, преподо́бне, всѣ́мъ прихо́дящимъ
подава́ль еси́ исцѣ́леніе ту́не, еди́наго ища́
возме́здія отъ Бо́га.

Приѣ́мь князь тобо́ю исцѣ́леніе, всеблаже́нне,
уразумѣ́, я́ко и́стиненъ ра́бъ Бо́жій еси́, и ви́дѣти
тя́ жела́ше, тѣ́мже при́иде къ тебѣ́ съ да́ры. Ты́
же, Еди́наго имѣ́я Бо́га, ничто́же отъ тѣ́хъ
даро́въ восхотѣ́ль еси́ прія́ти.

Богородичень: **Х**ва́лимъ Тя́, Пречи́стая Дѣ́во,
я́ко отверза́еши на́мъ двѣ́ри ми́лости Твоея́ и
пода́еши всѣ́мъ незави́стный исто́чникъ
исцѣ́ленія, отъ я́да грѣ́ховнаго изба́вляющі́й.

Пѣ́снь 6.

Ирмо́сь: *Жи́тѣйское мо́ре, воздвиза́емое зря́
напа́стей бу́рею, къ ти́хому приста́нищу
Твоему́ прите́къ, вопію́ Ти: возведи́ отъ тли́
живо́тъ мой, Многоми́лостиве.*

Вся́ тлѣ́нная міра́ сего́ оста́вивъ, принесе́нное
зла́то извергъ́ль еси́, блаже́нне, предъ́ враты́
ке́лліи своея́, изверга́я вкупѣ́ любоимѣ́ннаго
врага́ и стира́я душегуб́ную того́ главу́.

Единъ бисеръ стяжавъ многоцѣнный — Иисуса, вся во умѣты вмѣнилъ еси, святе, и тѣмъ купилъ еси себѣ селѣніе въ небесныхъ, еже и мы получить молимся твоими, отче, молитвами.

Многими лѣты постяся, изнемогъ еси тѣломъ, преподобне, но дѣхомъ пребылъ еси крѣпокъ, аки столпъ, вся наносимая терпя и благодаря Бога, къ Немѣ зывалъ еси: возведи отъ тли животь мой, Многомилостиве.

Тѣломъ болѣзнуя, дѣхомъ брался еси съ злочестивымъ армениномъ, иже по тріехъ днѣхъ смѣрть тебѣ провозвѣщаше, сего ты, блаженне, одолѣлъ еси, по тріехъ мѣсяцѣхъ отшѣствие свое къ Богу возвѣщая.

Богородичень: Во Твое чрево, Пренепорочная Дѣво, всельшееся Слово, родъ человѣческой въ небесныхъ двѣрѣхъ всели. Умоли Того отъ тлѣнія мя сея жизни преселити, идѣже потокомъ сладости питаются святїи.

Кондакъ, гласъ 6:

Врачь сый изрядень, чудне, являя несумненную твою вѣру, обличая же армениново невѣріе и приводя его къ благочестію, себѣ, близъ смѣрти бывшу, испросилъ еси отъ Бога продолженіе живота и, симъ чудомъ того увѣривъ, привелъ еси Христови, Емѣже въ веселїи предстоя, молися о насъ, преподобне.

Икосъ:

Ангеловъ подражателя и безплотныхъ силъ собесѣдника, ангельскими языки подобаетъ ублажити тя, преподобне, обаче прими, аще и отъ человѣческихъ брѣнныхъ устенъ, сію достодожную тебѣ похвалу: радуйся, преподобне, во всѣхъ заповѣдехъ Господнихъ право ходивый; радуйся, богоносне, иго благое и легкое на раменахъ твоихъ носивый. Радуйся, въ молитвѣ преуспѣвый; радуйся, пещерною тѣснотою пространства небснаго достигнувый. Радуйся, равноангельно во плоти поживый; радуйся, нетлѣніемъ благодѣтельнымъ прославленный. Радуйся, чудотворенія даромъ обогащенный; радуйся, цѣлебниче всякихъ недуговъ. Радуйся, помощниче въ бѣдахъ и напастѣхъ; радуйся, Антонія богоноснаго подражателю. Радуйся, Θεодосія богомудраго послѣдователю; радуйся, Агапите, молитвенниче о душахъ нашихъ.

Пѣснь 7.

Ирмосъ: *Росодательну убо пещь содѣла Ангель преподобнымъ отрокомъ, халдеи же опаляющее вельніе Божіе, мучителя увѣща вопіти: благословенъ еси, Боже отецъ нашихъ.*

Дарованіе имый свѣше недуги исцѣляти, преподобне, боляща мя небреженіемъ благихъ

дѣянній уврачу́й, якоже иногда́ принесеннаго въ неду́зѣ уврачевалъ еси́, молитвою пода́вь тому́ здравіе и воспѣ́вь: благословенъ́ Бо́гъ отецъ́ нашихъ.

Чудодѣ́йствуя́ святы́ми, тва́ри Созда́тель внезапу́ постави́ тя здра́ва предъ́ злочестивы́мъ, иже́ видѣ́въ, удиви́ся ско́рому́ тво́ему́ отъ болѣ́зни въ здравіе́ премѣ́ненію. Му́чима мя́ язвами́ студныхъ́ дѣ́лъ, во измѣ́неніе́ исправле́нія приведи́ твоимъ́, о́тче, свѣ́ше посѣ́щеніемъ́, да пою́: благословенъ́ Бо́гъ отецъ́ нашихъ.

Болѣ́знь тво́я и зе́ліе́ снѣ́дно пону́ди исповѣ́сти врача́ свое́ злоче́стіе, е́гоже́ укори́лъ еси́, яко́ дерзну́ осяза́ти святу́ю твою́́ руку; се́ дерзаю́ и азъ́ къ тебѣ́, о́тче, присту́пити, но молю́ тя: не отрини́ мя́ въ́ нуждахъ́ моихъ́, да пою́: благословенъ́ Бо́гъ отецъ́ нашихъ.

Трудо́въ своихъ́ собра́въ плоды́ съ́ веселе́емъ, а́ки до́брь земледѣ́лецъ, блаже́нною кончи́ною отше́лъ еси́ къ́ горнимъ́, прія́ти отъ́ Христа́ Бо́га да́яніе́ и прія́лъ еси́ отъ́ Него́́ неконча́емую ра́дость, многочу́дне Ага́пите.

Богородиченъ: **К**ъ́ Тво́ему́ приста́нищу́ прибѣ́гаемъ́, Богоневѣ́стная́ Дѣ́во, носи́ми житейскихъ́ страсте́й волна́ми, я́же Ты́́ укроти́, да́ воспое́мъ Тебѣ́: ра́дуйся, приста́нище́ житейскихъ́ пла́ваній.

ПѢСНЬ 8.

Ирмосъ: *Изъ пламене преподобнымъ росу источилъ еси и праведнаго жерству водою попалилъ еси: вся бо твориши, Христе, токмо еже хотѣти. Тя превозносимъ во вся вѣки.*

Врачъ былъ еси, отче, предивенъ, тѣлесныя болѣзни врачуя, въ жизни сей живый тѣломъ, по кончинѣ же твоей душевное врачевство подавая, якоже сіе на арменинѣ явилъ еси, души того давъ цѣльбу и ко благочестию наказаніе.

Видѣвъ тя, святе, арменинъ въ видѣніи чудномъ, исповѣда ясно, яко святъ еси и преподобенъ, и въ вѣру изъ невѣрія преложся, бысть инокъ твоимъ направлѣніемъ, егоже и насъ не лиші, поющихъ Господа во вѣки.

Многое имъ дарованіе, чудодѣйствовалъ еси, исцѣляя болящихъ, нынѣ же, сподобивыйся большихъ дарованій, приложи пластырь на раны души моея, да, получивъ ослабу, превозношу Господа во вѣки.

Изъ пламеновиднаго свѣта святымъ струи благодати подай, Христе Боже, палящія мя страсти угаси щедротъ Твоихъ росою, разгоняя тму страстей. Се бо преподобный молитъ съ нами Тебѣ, Господа, превозносимаго отъ всѣхъ во вѣки.

Богородичень: Просвѣтившая міръ пречістымъ Рождествомъ Твоимъ, мракъ злодѣянія моего разжени, изливая мнѣ на благотвореніе щедротъ Твоихъ богатую милость, да превозношу Тя, Матерь Божію, во вѣки.

Пѣснь 9.

Ирмосъ: *Бога человекомъ невозможно видѣти, на Негоже не смѣютъ чини ангельстии взирати; Тобою бо, Всечістая, явіся человекомъ Слово воплощенно, Егоже величающе, съ небесными вои, Тя ублажаемъ.*

Богодарованнаго цѣлѣбника людіе имуще, никтоже да грядетъ къ суетнымъ врачемъ, иже имѣніе и здравіе вреждають, но требуяй съ вѣрою да грядетъ къ рацѣ богоноснаго отца и туне прииметъ исцѣленіе.

Мысленныя ураниша ны разбойницы нынѣ, неисцѣльныя убо имуще язвы, несумнѣнно къ многочудеснѣй припадаемъ рацѣ твоей, преподобне, и просимъ: подаждь цѣльбу требующимъ, да вси тя хвалимъ и величаемъ.

Вь горняя душею возшедъ, во всесвѣтящіяся чертоги, оставилъ еси, преблаженне, раку мощей своихъ въ пещерѣ; имже поклоняющеса, просимъ: подаждь недугомъ нашимъ исцѣленіе, да ты пѣснями величаемъ.

Помо́щи отъ тебѣ въ нѣмо́щехъ просящихъ не презри, но посѣщеніемъ твоимъ даждь душевное вкупѣ и тѣлесное исцѣленіе, преблаженне Агапите, яко сый врачъ преизящный, да выну тя величаемъ.

Богородичень: Помо́щи отъ Тебѣ требующихъ не презри, Дѣво, но подавай съ вѣрою къ Тебѣ притекающимъ: Ты бо еси источникъ цѣльбамъ неоскуденъ, да Тя съ небесными силами присно величаемъ.

Свѣтилень:

Тлѣнная міра оставивъ и нетлѣнная сподобився пріяти, потщался еси хуждшая на лучшая премѣнити, обнищавъ любоимѣніемъ страстнымъ, но обогатився дарованіемъ исцѣленій, и намъ сія подай, днесь память твою почитающимъ, всеблаженне Агапите. **[Дважды.]**

Слава, и нынѣ, богородичень:

Спасшіися Тобою, Чистую Тя Матерь исповѣдуемъ: родила бо еси Того, Иже Крестомъ разруши смѣрть, и, возшедъ на высоту, вся привлече къ Себѣ, и намъ дарова велию милость.

На хвалитехъ стихиры, гласъ 4. Подобень:

Даль еси знаменіе.

Страстная плоти възгранія* увядивъ по́стническими труды* и возшедъ на высоту

добродѣтелей,* свѣтлѣ со́лнца показáлся еси,* благодáтию исцѣлѣній сiяя* и просвѣщáя тѣхъ лучáми къ тебѣ приходящихъ.* Тѣмже ты мо́лимъ, преподóбне,* любóвию пáмять твою почита́ющимъ,* пода́ждь недúгомъ исцѣлѣ́ние. **[Дважды.]**

Отъ Еди́наго Человѣколю́бца* свы́ше приѣмъ богáтое даровáние,* раздава́ль еси то́ требующимъ неоску́дно,* пода́я тѣмъ исцѣлѣ́ние,* но и ны́нѣ къ ра́цѣ мо́щей твои́хъ припада́ющимъ,* низпосли́ цѣльбу́ въ недúзѣхъ,* я́ко истинный в́рачь, преблаже́нне,* и моли́твенникъ о душа́хъ нашихъ.

Вѣрою и любóвию совоку́пльшеся,* лю́дие, въ пáмяти досто́блаженнаго о́тца,* пѣ́сненными глáсы восхва́лимъ,* да исцѣлѣ́ния въ нѣмо́щехъ нашихъ* о́тъ него́ сподóбимся:* и́мать бо скóрое прекло́нение* и пода́етъ исцѣлѣ́ние,* я́ко в́рачь безме́здный* и скóрый въ скóрбехъ помо́щникъ.

Сла́ва, глáсь 2:

Безконѣ́чная Твоя́, Христе́ Царю́, благодáть и даровáние вѣ́лие, е́же дарова́ль еси́ преподóбному Твоему́: не то́кмо бо живы́й тѣ́ломъ исцѣ́ляше недúги, но и по смѣ́рти Божѣ́ственнойю сíлою Твоею́ ра́ка мо́щей его́ нетлѣ́нныхъ пода́етъ съ вѣ́рою приходя́щимъ исцѣлѣ́ние. Тѣ́мъ мо́лимтися, благи́й Влады́ко, свята́го Твоего́ приводя́ще во

умилостивленіе, по мно́зѣй Твое́й бла́гости, душе́вныхъ и телесныхъ на́съ неду́говъ свободи и спаси́ ду́ши на́ша, я́ко Человѣ́колюбець.

И ны́нѣ, богоро́диченъ, гла́съ то́йже:

Все́ упова́ніе моё на Тя возлагаю, Ма́ти Бо́жія, сохрани́ мя подѣ́ кро́вомъ Твои́мъ.

НА ЛИТУРГИИ,

Блаже́нна отъ канона́ преподо́бнаго, пѣ́снь 3 и 6. Прокі́менъ, гла́съ 7: Честна́ предѣ́ Господе́мъ* сме́рть преподо́бныхъ его́. Сти́хъ: Что́ возда́мъ Господе́ви о всѣ́хъ, я́же воздаде́ ми́? Апосто́ль, къ Гала́томъ, зача́ло 213. Аллилу́ія, гла́съ 6: Блаже́нъ му́жъ, боя́йся Гóспода, въ за́повѣ́дехъ Его́ восхо́щетъ зѣ́ло. Сти́хъ: Си́льно на земли́ бу́детъ сѣ́мя его́. Евангеліе́ отъ Лу́ки, зача́ло 24. Прича́стенъ: Въ па́мять вѣ́чную бу́детъ пра́ведникъ, отъ слуха́ зла́ не убой́тся.

Источникъ:

Пече́рская Миніа. [Часть́ вторая.] — Кіевъ: Въ типографіи Кіево-Пече́рскія Ла́вры, 2007. — С. 146-155.

